



SANTIAGO EGUNEAN (UZTAILAK 25) ETA ANDRE MARIA ZURIAREN JAIETAN (ABUZTUAREN 4TIK 9RA) OINEZKO SALMENTARAKO BAIMENAK ESLEITZEKO 2026KO ETA 2027KO DEIALDIAREN OINARRIAK

1. OINEZKO SALMENTAREN EZAUGARRIAK

Deialdi honen xedea da baimenak esleitzea globoak, txanoak, zapiak eta jaietako beste ohiko artikulu batzuk oinez saltzeko.

Emandako baimenek honako jaiegun hauetan jarduteko balioko dute, 2026. eta 2027. urteetan:

- Santiago Eguna: Uztailak 25.
- Andre Maria Zuriaren jaiak: abuztuaren 4tik 9ra.

Gehienez ere **40** baimen emango dira.

2. ESKABIDEAK AURKEZTEA

2.1 EPEA:

Eskaintzak aurkezteko epea maiatzaren 18tik 29ra artekoa izango da, biak barne.

2.2 DOKUMENTAZIOA:

Agiri hauek aurkeztu beharko dira:

- **Eskabide-inprimakia / erantzukizunpeko aitortpena** (<https://www.vitoria-gasteiz.org/we001/was/we001Action.do?idioma=es&accionWe001=adjunto&nombre=60898.pdf>), eskatzaileak izenpetua, non Gasteizko Udalerrian Kaleko Salmenta arautzeko udal-ordenantzak salmentarako ezarritako eta deialdi honek xedatzen dituzten betebeharrak betetzen direla adierazten baitu.
- Titularraren eta titularkidearen **agiri tamainako argazki bana, koloretan.**
- Titularraren eta titularkidearen **nortasuna egiaztatzeko agiria:**
 - NANaren fotokopia edo,



- Atzerritartasunaren arloan indarrean dagoen legeriak eskatutako bizileku- eta lan-baimena (Europar Batasunetik kanpoko pertsonak).

2.3 ESKABIDEAK AURKEZTEKO BALDINTZAK:

- **Pertsona bakoitzeko eskabide bana.** Pertsona edo titularkide batek eskabide bat baino gehiago aurkeztuz gero, Udal Erregistroan lehenik erregistratu dena bakarrik hartuko da aintzat.
- **Eskabideen arteko bateraezintasuna.** Pertsona bera eskabide batean titular gisa ageri bada eta beste batean titularkide gisa, bi eskabideak ezetsiko dira.
- **Eskabide bakoitzeko titularkide bakarra.** Eskatzaile bakoitzak titularkide bakarra sartu ahal izango du, eta eskaera aurkezten duen unean nahitaez adierazi beharko du titularkide bat izateko edo ez izateko asmoa.

2.4 AURKEZTEKO TOKIA:

Eskabideak aurkezteko moduak:

- Gasteizko Udalaren egoitza elektronikoa.
- Herritarrei Laguntzeko Bulegoak (HLB).
- Udaleko bulego teknikoak.
- Herri Administrazioen Administrazio Prozedura Erkidearen urriaren 1eko 39/2015 Legean ezarritako beste edozein modutan.

Informazio gehiago: **010 / 945 161 100**

Eskabidea postaz bidaliz gero, **posta ziurtatu** bidez bidali behar da Udalaren Bulego Teknikoetara (Teodoro Dublang Margolariaren kalea, 25 - behea; 01008 Gasteiz). Kasu horretan, eskatzaileak posta-bulegoan bidalketari ezarritako data justifikatu beharko du, eta mezu elektronikoa bat bidali beharko du (comercio@vitoria-gasteiz.org) eskabidea posta ziurtatu bidez bidali dela adieraziz, berandueztaz maiztazaren 29rako (egun hori barne). Jakinarazpenak balioa izan dezan, eskabidea postetxean aurkeztu zen egunaren eta komunikazioen eduki osoaren berri jaso beharko da, eta **era fidagarrian identifikatu beharko dira igorlea** eta hartzailea.



3. ESLEIPEN-PROZEDURA

Oro har, deialdi honetan ezarritako **epearen barruan (2026ko maiatzaren 18tik 29ra) aurkeztutako eskabideak baino ez dira onartuko.**

Jasotako eskabideak gehiago badira esleitu beharreko baimenak baino (oinezko salmentarako 40 baimen), esleipena zozketa publiko bidez egingo da, **ekainaren 11n, 10:00etan**, San Martingo bulego teknikoetan. Kasu horretan, esleipendun ez diren eskabideak **itxarote-zerrenda** batean sartuko dira automatikoki, zozketaren emaitzaren arabera ordenatuta, gerta daitezkeen uko egiteak eta bajak betetzeko.

Salmenta-baimenak eman edo ukatuko dira eskatutako baldintzak betetzen direla egiaztatu ondoren eta nahitaezko dokumentazioa entregatu ondoren, Ekonomia Sustapenaren, Enpleguaren, Merkataritzaren eta Turismoaren Saileko zinegotzi ordezkariaren ebazpen bidez, 2023ko ekainaren 22ko Eskumenen Ordezkaritzari buruzko Erabakiari jarraikiz.

Salbuespen gisa, epea bukatzean jasotako eskabideen kopurua txikiagoa bada deitutako baimenena baino, epez kanpo aurkeztutako eskabideak onartu ahal izango dira, guztira **60 eskabidera** iritsi arte; horiek esleitu beharreko **40 baimenak** eta **20 pertsonara arteko itxarote-zerrenda** beteko lukete. Kasu horretan, Gasteizko Udalaren erregistro orokorrean sartu diren ordenaren zenbakiaren arabera egingo da esleipena, eta hori izango da lehentasun-irizpidea.

Salmenta-baimenak eman edo ukatzeko ebazpenak agortu egingo du administrazio-bidea, eta, beraren kontra, zuzenean aurkeztu ahal izango da administrazioarekiko auzi-errekurtsioa Gasteizko administrazioarekiko auzietarako epaitegietan, bi hilabeteko epean, jakinarazten edo argitaratzen den egunaren biharamunetik.

Nolanahi ere, aldeztu aurretik, aukerako berraztertze-errekurtsioa aurkez daiteke, hilabeteko epean, jakinarazi edo argitaratzen den egunaren biharamunetik —kasu horretan, ezingo da administrazioarekiko auzi-errekurtsorik aurkeztu berraztertze errekurtsioa espresuki edo presuntzios ebatzi arte—. Ondoren, ebazpen espresua ematen bada, bi hilabeteko epea izango da administrazioarekiko auzi-errekurtsioa aurkezteko, egintza jakinarazi edo argitaratzen den egunaren biharamunetik kontatuta; bestela, edozein unetan aurkeztu ahalko da, berariazko araudiaren arabera Administrazioaren isiltasunaren ondorioak sortzen diren egunaren biharamunetik aurrera.



4. EMAITZAK ARGITARATZEA

Salmenta-baimenak emateko edo ukatzeko ebazpena, esleipendunen zerrenda eta, hala badagokio, itxarote-zerrenda, **ekainaren 29tik** aurrera argitaratuko dira Udalaren webgunean eta iragarki-taulan.

Halaber, Udalaren argibideetarako 010 edo 945 161100 telefono zenbakietara deituta ere jaso daiteke informazio hori.

5. TASA ORDAINTZEA

Jarduera hori gauzatzeko, urtero dagokion tasa ordaindu beharko da, udal-ordenantza fiskaletan ezarritakoaren arabera.

2026. urterako, tasaren zenbatekoa **EHUN ETA HAMAHIRU euro eta HAMALAU zentimokoa (113,14 €)** izango da.

Ordainketa **dagokion urteko uztailaren 2tik 12ra bitartean egingo da**, bitarteko hauen bidez:

- Kutxabank, Laboral Kutxa, Caixabank, Caja Rural Navarra eta Banco Santanderren edozein bulegoak, haiek ezarritako ordutegian, Gasteizko Udalak jaulkitako ordainketa-agiriarekin.
- Herritarrei Laguntzeko Bulegoak, finantza-entitateekin hitzartutako kreditu-txartelen bidez.
- San Martingo udal bulego teknikoak (Teodoro Dublang Margolariaren kalea 25, beheko solairua). Ordutegia: 08:30etik 14:00etara, astelehenetik ostiralera, lanegunetan. Telefonoak: 010 eta 945 16 11 00.
- Internet bidez, webgune honetan: <https://sedeelectronica.vitoria-gasteiz.org>file:///C:/TEMP/pid-15248/A través de internet en la siguiente dirección <https://sedeelectronica.vitoria-gasteiz.org>

Baimena galduko dute tasa ordaintzen ez duten edo 7. puntuko baldintzak ezarritako epean betetzen ez dituzten esleipendunek. Kasu horretan, itxaron-zerrendan dauden pertsonen ordenaren arabera eskainiko zaie baimena, eta dagokien tasa ordaindu beharko dute baimena eskuratzeko.



6. BAIMENAK JASOTZEA:

Baimena aurrez aurre jaso beharko da **San Martingo udal-bulegoetan** (Teodoro Dublang margolariaren kalea 25, behe), **uztailaren 17tik 23ra bitartean (2026an zein 2027an), 08:30etik 14:00etara.**

Eskuratzeko, titularrak honako hauek aurkeztu beharko ditu:

- **NAN originala** edo,
- **Indarrean dagoen bizileku- eta lan-baimena** (Europar Batasunetik kanpoko pertsonak).

7. SALTOKIETAKO LANGILEAK. ESKAKIZUNAK

- a) Baimenen esleipendunek eta ez beste inork jardun ahalko dute salmentan.
- b) Saltzeko baimena emango bazaio, Gasteizko Udalean ordaindu beharrekoak ordainduta eduki beharko ditu, aurretiaz eta nahitaez, eskabidea egiten duen pertsonak. Ofizioz egiaztatuko da betekizun hori betetzen den.
- c) Merkataria Gizarte Segurantzako erregimenean alta emanda egotea, eta kuotak ordainduta izatea, baimenak irauten duen bitartean.
- d) Ekonomia jardueren gaineko zergan dagokion epigrafean izena emanda egotea eta tarifaren ordainketa egunean egotea, edo, salbuetsita egonez gero, zergapekoen erroldan izena emanda egotea...
- e) Hirugarren herrialdeetako zerbitzu-emaileek bizileku- eta lan-baimenen arloan indarrean dagoen legerian ezarritako eskakizunak betetzen dituztela egiaztatu beharko dute.
- f) Merkataritza-jardueraren arriskuak estaltzen dituen erantzukizun zibileko aseguruia izatea, ordainduta, eta indarrean.
- g) Araudi espezifikoean ezarritako baldintza higieniko-sanitarioak edo beste erabatekoak betetzea.
- h) Ematen diren baimenak pertsonalak eta besterenezinak izango dira, eta debekatuta egongo da horiek eskualdatzea.
- i) Baimenaren titularrek datu hauek jarri beharko dituzte ikusgai, jendeak zein ikuskatzaileek erraz ikusteko moduan:



- Udalaren baimena.

- Helbide jakin bat, jarduerak eragin ditzakeen erreklamazioak bidaltzeko.

- j) Gainerako betekizunei dagokienez, Gasteizko udalerrian kaleko salmenta arautzen duen Ordenantzan (2016ko abenduaren 21eko ALHAO, 143 zk.) ezarritakoari jarraituko zaio.

8. SALTOKIAK JARTZEKO BALDINTZAK:

- a) Baimenek gaikuntza ematen dute jarduera data hauetan gauatzeko (2026an zein 2027an):
- Uztailak 25
 - abuztuaren 4ko 20:00etatik abuztuaren 9ko 24:00etara.
- b) Objektu hauek saldu daitezke: globoak, txanoak, zapiak eta jaietako beste ohiko artikulu batzuk.
- c) Ezin izango da leku hauetan saldu:
- Posta kalea (Prado kalearen eta Foru kalearen arteko tartea)
 - Independentzia kalea (Foru Plazako tartea).
- d) Oinezko salmentarako baimenak modu ibiltarian saltzeko dira, eta, beraz, ezin dira modu iraunkorrean inon kokatu.

9. ZEHAPEN ARAUBIDEA

Dagozkien zaintza- eta kontrol-eginkizunak betez, udal-agintariak produktuak, jarduerak eta saltzaileen kokapenak ikuskatu ahal izango dituzte edozein momentutan, eta beharrezkoa den informazio eta dokumentazio guztia eskatu ahal izango diete saltzaileei, oinarri hauetako xedapenak, Kaleko Salmentari buruzko Udal Ordenantzan ezarritakoak (2016ko abenduaren 21eko ALHAO, 143 zk.) eta jarduerari eta salgaiei aplikatu beharreko gainerako lege-araudian ezarritakoak behar bezala betetzen direla bermatzeko.

Gasteizko Udalak egokitzen jotzen duen erakundeari edo zerbitzuari eskuordetu ahal izango dizkio kontrol- eta ikuskapen-ekintzak, eta hark egindako txosten teknikoetan oinarritu ahal izango ditu ebazpenak.

Salmenta ibiltaria nahitaezko udal-baimenik gabe egitea, eta salmenta ibiltaria egitea produktu, toki, egun eta ordutegiei buruzko baldintzak bete gabe, bai eta titular



baimenduei eta haien identifikazio iraunkorrari buruzkoak ere (besteak beste baimendu gabeko produktuak saltzea, baimenaren indarraldia ez betetzea), debekatutako eremuetan saltzea, modu estatiko edo iraunkorrean saltzea, baimena edo dokumentazioa ez erakustea), dossier zigortzailea abiarazi dezaketen jokabideak dira, Kaleko Salmentari buruzko Udal Ordenantzaren eta Merkataritza Jarduerari buruzko maiatzaren 27ko 7/1994 Legearen arabera.

Arestian deskribatutako edozein jokabidek nahitaezko dossier zigortzailea izapidetzea, jarduera kautelaz etetea eta, hala badagokio, salgaiak atzematea edo konfiskatzea ekarriko du.

Dosierra 39/2015 Legean xedatutakoaren arabera izapidetu ondoren, eta entzunaldiaren, kontraesanaren eta proportzionaltasunaren printzipioak bermatuta, ematen den ebazpenak Kaleko Salmentari buruzko Udal Ordenantzan eta aplikatu beharreko gainerako araudian aurreikusitako zehapenak ekar ditzake, baita emandako baimena baliogabetzea ere.

Baimenak bi urterako ematen direnez, indarraldiko lehen urtean arau-hauste bat detektatuz gero, eta ebazpen zigortzaile irmoa egonez gero, baimena baliogabetuko da bigarren urterako.

10. DATUEN BABESA

- a) Datu pertsonalak babesteari eta eskubide digitalak bermatzeari buruzko abenduaren 5eko 3/2018 Lege Organikoan xedatutakoaren arabera egingo da datu pertsonalen tratamendua, orobat aintzat hartuz Europako Parlamentuaren eta Kontseiluaren 2016ko apirilaren 27ko (UE) 2016/679 Erregelamendua, datuen tratamenduari eta datu horien zirkulazio libreari dagokionez pertsona fisikoak babesteari buruzkoa.
- b) Datu pertsonalak babesteari eta eskubide digitalak bermatzeari buruzko abenduaren 5eko 3/2018 Lege Organikoa betetze aldera, Gasteizko Udaleko Ekonomia Sustapenaren, Enpleguaren, Merkataritzaren eta Turismoaren Sailak jakinarazten du eskatzaileen datu pertsonalak "Sailaren jardueren kudeaketa" izeneko fitxategian sartuko dituela; Ekonomia Sustapenaren, Enpleguaren, Merkataritzaren eta Turismoaren Sailaren jarduerak kudeatzea du xede fitxategi horrek. Horien gaineko eskubideez baliatu nahi izanez gero —norberaren datuak



ikusi, aldatu, ezeztatu edo kontra agertu—, Gasteizko Udaleko herritarrei laguntzeko bulegoetako batera jo beharko da.